

ԱՐՇԱԿ ԱԼՊՈՅԱՃՅԱՆ

17.VI 1879—24.VI 1962 թթ.



Հեռավոր նեղոսի ափերից մեծ վշտով լսեցինք հայագետ Արշակ Ալպոյաճյանի մահվան գույժը:

Արշակ Ալպոյաճյանը սկսած իր վաղ երիտասարդական տարիներից մինչև իր ծերունազարդ հասակի վերջին շունչը, բացառիկ անձնվիրությամբ և հայրենասիրությամբ տոգորված միշտ մնաց պատենշի վրա և նորանոր արժեքավոր գործերով իր նպաստը բերեց հայագիտության զարգացման գործում:

Ալպոյաճյանը ծնվել է Կոստանդնուպոլսի Սկյուտար թաղամասում, կեսարացի ընտանիքում 1879 թ. հունիսի 17-ին և իր ուսումը ստացել նախ Պերպերյան և ապա Կենտրոնական կոլեջներում: Ալպոյաճյանը աշակերտել է այն ժամանակվա ամենահայտնի մտավորական-ուսուցիչների՝ Նշանավոր մանկավարժ Ռեթեոս Պերպերյանի, բանաստեղծ Հովհաննես Սեթյանի, բանասեր Հրանդ Ասատուրի, զբաղաբեր շակոբ Բուրգենի, զբոլ Մելքոն Կյուրճյանի (Հրանդ) և ուրիշների մոտ: Ալպոյաճյանը իր մեծ հմտությունն ու մտավոր անսպառ պաշարը կուտակել է շնորհիվ իր հազվագյուտ պրպտողի անսահման եռանդին և մեծ նվիրվածության:

Նա շուրջ կես դար եղել է անձնվեր մանկա-

վարժ և հայրենասիրական ջերմ շնչով թրծել-բազմաթիվ սերունդներ: Ալպոյաճյանը միևնույն ժամանակ եղել է նաև հասարակական անխոնաշխատող: Նա հազիվ 19 տարեկան էր, երբ մուտք գործեց հայ հրապարակագրության մեջ: Այս ասպարեզում նա աշակերտել է հայտնի հայ հրապարակագիր Բյուզանդ Քեչյանին, որի հիմնադրած «Իլլանդիոն» օրաթերթի գլխավոր ղեկավարներից մեկը եղել է նաև ինքը (1908—1918 թթ.), իսկ Կահիրեում խմբագրել և հրատարակել է «Ազատ միտք» շաբաթաթերթը (1936—1937 թթ.): Ալպոյաճյանը աշխատակցել է մեծ թվով ինչպես արևմտահայ, այնպես էլ արևելահայ թերթերի և հանդեսների: Հրատարակել է Կոստանդնուպոլսի Ազգային հիվանդանոցի մի շարք տարեգրքերը (1908, 1909 և 1910 թթ.) և գործակցել Թեոդիկի «Ամենուն տարեցույց»-ներին:

Արշակ Ալպոյաճյանը բազմալատակ գիտնական է: Ավելի քան 60 տարի շարունակ այս ասպարեզում է, որ մասնավորապես փայլեց հայ ժողովրդի հին թեև նոր պատմության մշտնջատ մասերը խուզարկելու, համադրելու և կյանքի կոչելու նրա մեծ հմտությունն ու եռանդը:

Իր թողած գիտական հարուստ ժառանգության մեջ Ալպոյաճյանը հանդես է եկել բազմապիսի հատկություններով: Նա պատմաբան և բանասեր էր, հմուտ աշխարհագրագետ, անաչառ կենսագրող, ազգագրության մասնագետ, հայ մշակույթի և հայ տպագրության լավագույն գիտակ, մի խոսքով, ինչպես արդարացի կերպով նշել է Ալպոյաճյանի մասին հայագիտության անվանի մշակ Հրաչյա Աճառյանը, «բազմահմուտ և բազմալատակ» մի ականավոր գիտնական:

Նա առաջին հերթին կենսագրական լուրջ ուսումնասիրություններով էր, որ մուտք գործեց հայագիտության մեջ: «Արքուհի Տիսար» (տպ. Վենետիկ, 1901 թ.), «Գրիգոր Զոհրապ, իր կենանքը և իր գործը» (Կ. Պոլիս, 1919 թ.), «Մի-նաս Զերազ, իր կենանքը և իր գործը» (Կահիրե, 1927 թ.), «Գրիգոր Պատրիարք և իր ժամանակը» (Երուսաղեմ, 1936 թ.), «Թորոմ պատրիարք Գուշակեան» (Կահիրե, 1940 թ.), «Հայ եպիսկոպոսի մը առաքելութիւնը ի Հալեպիստան Ժէ

դարուն» (Կահիրե, 1946 թ.) և դեռ առանց հիշելու նման բնույթի իր անտիպ գործերը և թերթերում օրը օրին նրա գրած «Անհետացող դէմքեր»-ի շարքը, որտեղ կենսագրություններն են կուտակված վերջին 60 տարիների արևմտահայ հայտնի գործիչների՝ հազնեված բացի փաստական հարուստ տվյալներից նաև հեղինակի անձնական տեղեկություններով և անաչառ վերլուծություններով:

Մեծ է հատկապես նրա վաստակը իբրև հայ զաղթավայրերի պատմության մասնագետի. այս ասպարեզում նա մեզ թողել է մի հսկա ժառանգություն, որը իր ընդգրկման ծավալով իր նախընթացը չունի: Ալպոյաճյանը դեռ 21 տարեկան էր, երբ գրեց այս շարքի իր անդրանիկ գործը «Հայք ի Ռումելի» վերնագրով, որը 1905 թ. արժանացավ Իզմիրյանց գրական Ա. մրցանակին:

Ալպոյաճյանի կյանքի իմաստը հանդիսացել է աշխատանքը: Նա չի դադարել ստեղծագործելուց իրեն իսկ հայացինք սպանդի օրերին, երբ վտանգ էր սպառնում իր կյանքին: Նա իր կուտակած անսպառ պաշարի վրա խարսխեց իր նշանավոր գործերը, որոնց թվարկումն իսկ բավական է ակնածանք ու զարմանք պատճառելու և կարծել տալու, որ հայագետների մի ամբողջ խումբ է աշխատել տարիներ շարունակ այդ բոլորը իրադրո՞ւմ համար:

«Պատմություն Հայ Կեսարիոյ» Ա և Բ հատորներ (Կահիրե, 1937 թ., շուրջ 2500 էջ մանրատառ), «Պատմություն Եղիկիոյ Հայոց» (Կահիրե, 1952 թ., մոտ 1900 էջ), «Արարական Միացեալ Հանրապետութեան Եղիպոսի Նահանգը և հայերը» (Կահիրե, 1960 թ., շուրջ 400 էջ), «Պատմություն Մալթիոյ Հայոց» (Կահիրե, 1961 թ., շուրջ 1600 էջ), «Յուշամատեն Կուտիկահայերու» (Բեյրութ, 1961 թ., 231 էջ) և այլ նման տիպի գործեր, որոնց մի մասը դեռևս անտիպ է մնում. նա ստեղծել է հիմնվելով հայ, օտար և հատկապես անտիպ աղբյուրների վրա և գրանք վեր է ածել անփոխարինելի հանրագիտարանների, նվիրված ոչ միայն տվյալ վայրի հայ կյանքին, այլև բուխողակ հայ պատմության: Նա իր գործերը մեծ մասամբ գրել է առանց այդ վայրերը տեսնելու, սակայն այդ պակասը լրացրել է հարուստ նյութերի հավաքումով: Նա կատարել է գիտական ուղեորություններ դեպի ամենակարևոր մատենադարանները, զանազան վերապրողներից փրկել անտիպ նյութեր, հուշագրություններ և այլն: Հանրագիտարանային բնույթի իր գործերը ընդգրկում են տվյալ զավառի աշխարհագրությունը, պատմական անցյալը, թեմական կյանքը, հուշարձանները, լուսավորությունը և մշակույթը, հայերի հասարակական, քաղաքական և տնտեսական կյանքը, զավառի ազգագրությունը, լեզուն, սովորությունները, բա-

նահյուսությունը, տվյալ զավառում գրված և աշխարհով մեկ ցրված հայերեն ձեռագրերի մասին տեղեկություններ և նրանց հիշատակարանները, այդ վայրից հայերի տարածումը աշխարհի շուրջ կողմը, Հայաստանում հիմնադրված նույնանուն ավանների կյանքը և վերջապես նույն զավառից սերող ու միջազգային, ինչպես նաև ազգային ասպարեզներում և զանազան երկրներում գործող նշանավոր հայերի կենսագրությունները: Հիշյալ պատկանելի հատորները թուրքական հայացինք սպանդին զոհ գնացած և վաղուց լուռության մատնված հայաբնակ մի շարք զավառների հուշամատյաններ են, որոնք կոչված են թանկագին ատաղձներ լինելու հայ ժողովրդի ընդհանուր պատմության:

Ալպոյաճյանի «Պատմություն հայ զաղթականութեան» վերնագիրը կրող համարական աշխատության մեջ առաջին անգամ ի մի է բերվել ամբողջ աշխարհում ստեղծված հայկական զաղթավայրերի պատմությունը: Արդեն լույս են տեսել երեք ստվար հատորներ (Կահիրե, 1941, 1955, 1961 թթ., շուրջ 1700 էջ): Ներդրող հատորի Բ մասը, որքան մեզ հայտնի է, պատրաստ է տպագրության:

Ուշագրավ է Ալպոյաճյանի «Պատմություն հայ զպրոցին» երեք հատորանոց աշխատությունը, որի առաջին հատորը լույս տեսավ 1947 թ., իսկ երկրորդը արդեն հանձնված է տպագրության: Դարձյալ իր նախընթացը չունեցող գործ է նաև հեղինակի «Պատմական Հայաստանի ներքին և արտաքին սահմանները» (Կահիրե, 1950 թ.) աշխատությունը:

Շատ մեծ թիվ են կազմում Ալպոյաճյանի կողմից զանազան հանդեսների մեջ տպագրված ուսումնասիրությունները, որոնք վերաբերում են հայ երաժշտությանը, հայ գրականությանը, վիճակագրությանը, հայ տպագրությանը, պոլսահայ գրադարանների և հայ ընկերությունների պատմությանը, անհետացող հայ զաղթավայրերի անցյալին և այլ հարցերին:

Ինչքան պատկանելի է Ալպոյաճյանի տպագիր վաստակը, նույնքան քաղմարտվանդակ է և հարուստ նրա թողած անտիպ ժառանգությունը: Նա ավելի քան քսան ծավալուն մենագրություններ ունի տպագրության համար պատրաստ վիճակում: Այդ գործերից են. «Հայերը Բիւզանդական երկիրներում մեջ», «Հայք ի Ռումելի», «Հայերը Պոնտոսի մէջ», «Հայերը Պրոսպայի մէջ», «Հայերը Իրանի մէջ», «Հայերը Իրաքի մէջ», «Հայերը Տրապիզոնի մէջ», «Ֆրանսա և Հայաստան», «Հարիրամսայ պատմութիւն ս. Փրկչեան Ազգ. հիւանդանոցի հայոց Կ. Պոլսոյ», «Տպագրութեան արուեստը և Հայք», «Հայոց պատմութիւն» (բարձրագոյն դասընթացը), «Ժամանակակից Հայ ազգ. Պատմութիւն», «Պատմութիւն

հայ ազատագրութեան» (2000 էջ), «Պատմութիւն հայ քաղաքակրթութեան», «Պատմութիւն հայ իմացական շարժման», ինչպես նաև կենսագրական ուսումնասիրություններ՝ նվիրված արևմտահայ հայտնի հրապարակագիրներ և գրողներ՝ Կարապետ Փանոսյանի, Կարապետ Ութուկյանի, Արմենակ Հայկունու, Բյուզանդ Քելլանի, Վահան Թեքեյանի և ուրիշների մասին, «Անհետացող ճիւղեր» և այլ գործեր:

Արշակ Ալպոյաճյանը իր հայրենիքի շերտ կարողութիւնը տոշորովող հայրենասեր էր: Նրա մեծ իղձն է եղել տեսնել իր երազած հայրենիքը: Զմեռած Հայաստանը անդամ մը տեսնել», այսպես է զրել իր նամակներից մեկում մեծանուն իրանակները: 1958 թ. հոկտեմբերին իրականացավ Իրաւաստիներ շարունակ փախկայած երաւոր, Նա կարճ ժամանակով եղավ հայրենիքում և ի տես նրա հսկա վերաշինության ու գիտության և մշակութի պարած աննախընթաց վերելքին Նոր լիցք ստացավ նրա սիրտն ու հոգին: Նա տերութիւն էր րազմավաստակ մշակը, քանի որ ինքը հայաշինչ սպանդից վերապրող այն սակավաթիւ մտավորականներից մեկն էր, որ արժանացել էր իր հարազատ հայրենիքի տեսութեանը: Չնայած իր պատկառելի տարիքին Ալպոյաճյանը մեծ սիրով աշխատակցում էր Հաստատնի Դիտ. ակադեմիայի «Պատմա-բանասիրական հանդեսին» և ուսումնասիրություն էր պատրաստում «Բանբեր Մատենադարանի» գիտական նյութերի ժողովածուի առաջին համարի համար:

1959 թ. նշվեց Ալպոյաճյանի 80-ամյակը:

Նա շարունակում էր իր րեղմնավոր աշխատանքը և 1961 թ. վերջերին հրատարակում երեք կարևոր աշխատություններ, իսկ նրա այլ գործերը տպա-

գրության ընթացքի մեջ էին: Նա մինչև վերջերս աշխատում էր լրացնել դեռևս 1899—1900 թթ. սկսած հայկական բարձրագույն աթոռների գաւազանագրքերը, որոնք րացի անմիջական դերից մեծապես օգտակար կարող են լինել հայ ժողովրդի պատմության ժամանակագրական այլևայլ հարցեր ճշգրտելու և պարզելու համար: Նա լրացումներ էր կատարում նաև դեռևս 65 տարի առաջ սկսած իր դործերի վրա, սակայն մահը խանգարեց նրան տեսնել իր քրտնաջան աշխատանքների ամբողջական հրատարակումը: Ալպոյաճյանը իր ծննդյան 80-ամյակի առթիւ ասել է. «Իմ մեծագույն իղձս է մինչև կյանքիս վերջին օրը հավատարիմ մնալ հավիտենական ուսանողության ուխտիս. և ըստ մորս պատվերին միշտ աշխատիլ հող չէ թե այդ աշխատանքը պարտալի իսկ երթա:

Ինձի համար մեծագույն քախտավորությունը պիտի ըլլա, եթե մահը զիս գտնե գլուխս սեղանի մը վրա հակած և գրիչը ձեռքս»:

Այդպես էլ անվանի գիտնականը մինչև վերջ մնաց պատենչի վրա և կարևոր գործերով հարըստացրեց հայ պատմագրության գանձարանը:

Պետք է հուսալ, որ համապատասխան սփյուռքահայ կազմակերպությունները լրջորեն կմտահոգվեն հանդուցյալ րազմավաստակ գիտնականի թողած գիտական հարուստ ժառանգության տպագրութեամբ և հասարակայնութեան սեփականութեան կուարձենն զրանք:

Արշակ Ալպոյաճյանի, հայրենասեր մեծանուն հայագետի հիշատակն ու թողած արժեքավոր ժառանգությունը միշտ կհիշվեն խոր երախտագիտութեամբ:

ՍՈՒՐԵՆ ՔՈՒԱՆՋՅԱՆ